

**ხელშეკრულება
სახელმწიფო შესყიდვების შესახებ N53**

21 ივლისი 2021 წელი

ერთი მხრივ, სსიპ „ზურაბ ჟვანიას სახელობის სახელმწიფო ადმინისტრირების სკოლა“ (შემდგომში „შემსყიდველი“), წარმოდგენილი დირექტორის ქეთევან ჯაყელის სახით და მეორე მხრივ, შპს ეს დი სი ჯგუფი (შემდგომში „მიმწოდებელი“), წარმოდგენილი მისი დირექტორის დავით გოჩიაშვილის სახით. „სახელმწიფო შესყიდვების შესახებ“ კანონის მე 16¹ მუხლის პირველი პუნქტისა და მიმწოდებლის წინადადების საფუძველზე ელექტრონული ტენდერის NAT210011337 საშუალებით დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს მომსახურების მიწოდებას ხელშეკრულების ფარგლებში.

2. ხელშეკრულების საგანი და კლასიფიკატორის კოდი

- 2.1 ხელშეკრულების საგანი: სკოლაში დანერგილი ხარისხის მართვის სისტემის შემოწმება და განახლება საერთაშორისო სტანდარტის ISO 9001:2015 მოთხოვნების შესაბამისად;
- 2.2 კლასიფიკატორის კოდი: CPV79400000.

3. ხელშეკრულების ღირებულება

- 3.2 ხელშეკრულების საერთო ღირებულება: **15850 (თხუთმეტიათას რვაას ორმოცდაათი) ლარი.**
- 3.3 ხელშეკრულებით გათვალისწინებული შესყიდვის ობიექტის ერთეულის ფასები მოცემულია დანართი N1-ში, რომელიც ერთვის ხელშეკრულებას და წარმოადგენს მის განუყოფელ ნაწილს, ხოლო ტექნიკური პირობა მოცემულია სატენდერო დოკუმენტაციაში NAT210011337.
- 3.4 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

- 4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2 ანგარიშსწორება მოხდება ფაქტიურად გაწეული მომსახურების ღირებულების მიხედვით, წინამდებარე ხელშეკრულებით გათვალისწინებული დოკუმენტაციის გაფორმების საფუძველზე.
- 4.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 10 კალენდარული დღის განმავლობაში.
- 4.4 წინასწარი ანგარიშსწორება: არ გამოიყენება.
- 4.5 დაფინანსების წყაროს წარმოადგენს: 2021, 2022 და 2023 წლის სახელმწიფო ბიუჯეტი.

5. შესყიდვის ობიექტის მიღება-ჩაბარების წესი

- 5.1 შესყიდვის ობიექტი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

5.2 მიღება-ჩაბარების აქტის გაფორმების საფუძველია, წინამდებარე ხელშეკრულებით გათვალისწინებული ხელშეკრულების შესრულების კონტროლის განმახორციელებელი პირის აქტი.

5.3 მიმწოდებელი ვალდებულია შემსყიდველის მხრიდან მოთხოვნილი რაოდენობის უნაკლო შესყიდვის ობიექტის მიწოდების დადასტურებისა და ანაზღაურების მიღების მიზნით შემსყიდველს წარუდგინოს შესაბამისი ფინანსური დოკუმენტაცია.

5.2 შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს სსიპ ზურაბ ჟვანიას სახელობის სახელმწიფო ადმინისტრირების სკოლის ლოჯისტიკის სპეციალისტი - დავით ავალიანი, მისი მიერ უფლებამოსირების შეუსრულებლობის შემთხვევაში მიღება-ჩაბარების აქტზე ხელმოწერ უფლებამოსილ პირს წარმოადგენს სსიპ ზურაბ ჟვანიას სახელობის სახელმწიფო ადმინისტრირების სკოლის შესყიდვების სპეციალისტი - ირაკლი პაპავა.

6. შესყიდვის ობიექტის მიწოდების პირობები

6.1 შესყიდვის ობიექტის მიწოდების ვადაა:

6.1.1. პირველი ეტაპი: სერტიფიკაციისათვის მზადყოფნის შეფასება და მეორე ეტაპი: სერტიფიცირება - 2021 წლის 19 დეკემბრის ჩათვლით.

6.1.2. პირველი საზედამხედველო აუდიტი - სერტიფიკატის გაცემიდან 12 თვის განმავლობაში.

6.1.3. მეორე საზედამხედველო აუდიტი - სერტიფიკატის გაცემიდან 24 თვის განმავლობაში.

6.2. შესყიდვის ობიექტის მიწოდების ადგილია: ქ. ქუთაისი ნიკეას #13

7. მხარეთა უფლება-მოვალეობები

7.1. მიმწოდებელი ვალდებულია, შემსყიდველს მიაწოდოს შესყიდვის ობიექტი ხელშეკრულების პირობების შესაბამისად. იგი პასუხისმგებელია გაწეული მომსახურების ხარისხზე.

7.2 მიმწოდებელი უფლებამოსილია მოსთხოვოს შემსყიდველს ანაზღაურება ხელშეკრულებით გათვალისწინებულ ვადებში.

7.3 შემსყიდველი ვალდებულია:

ა) უზრუნველყოს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში.

ბ) განახორციელოს ამ ხელშეკრულებით გათვალისწინებული სხვა ვალდებულებები.

7.4 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულების კონტროლი.

8. ხელშეკრულების შესრულების კონტროლი

8.1 შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2 მიმწოდებლის მიერ ხელშეკრულებით გათვალისწინებული მომსახურების შემსყიდველისათვის მიწოდებისას ხელშეკრულების შესრულების კონტროლის განმახორციელებელი პირი ამოწმებს მიწოდებული გაწეული მომსახურების წინამდებარე ხელშეკრულებაში გათვალისწინებულ პირობებთან შესაბამისობას და მიღებულ შედეგებს ადასტურებს შესაბამისი აქტით.

8.3 ხელშეკრულების შესრულების კონტროლის განმახორციელებელ უფლებამოსილ პირს წარმოადგენს სსიპ ზურაბ ჟვანიას სახელობის სახელმწიფო ადმინისტრირების სკოლის ხარისხის მართვის მენეჯერი - სალომე ყიფიანი.

8.4 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი პერსონალით, სხვა სამუშაო პირობებით. იმ შემთხვევაში, თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

8.5 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8.6 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, შემსყიდველი უფლებამოსილია მიმწოდებლის მიერ წინამდებარე ხელშეკრულებით გათვალისწინებული ვალდებულების დაგვიანებით შესრულების შემთხვევაში, დააკისროს პირგასამტეხლო ყოველ ვადაგადაცილებულ დღეზე, დაგვიანებით განხორციელებული მომსახურების ღირებულების 0,2%-ის ოდენობით,.

9.2 შემსყიდველი უფლებამოსილია, მიმწოდებლის მიერ ხელშეკრულებით ნაკისრი ვალდებულების არაჯეროვანი შესრულების ან/და შეუსრულებლობის შემთხვევაში, ცალმხრივად შეწყვიტოს ხელშეკრულება და მიმწოდებელს დაეკისრება პირგასამტეხლოს გადახდა ხელშეკრულების ჯამური ღირებულების 5%-ის ოდენობით.

9.3 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულება გადააჭარბებს 10 კალენდარული დღით, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 9.1 და 9.2 პუნქტებით გათვალისწინებული პირობები ერთობლიობაში.

9.4 იმ შემთხვევაში, თუ მიმწოდებელი დროზე ადრე მოითხოვს ხელშეკრულების შეწყვეტას აღნიშნული განიხილება, როგორც ხელშეკრულების არაჯეროვანი შესრულება და ასეთ შემთხვევაში შემსყიდველი უფლებამოსილია გამოიყენოს ამ მუხლის ამ მუხლის 9.1 და 9.2 პუნქტებით გათვალისწინებული პირობები ერთობლიობაში.

9.5 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 თვის ვადისა.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს წინამდებარე სანქციების გამოყენებას.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და სხვა.

11.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

11.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

11.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ინტერესთა კონფლიქტი

13.1 „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერნი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

14. ხელშეკრულების მოქმედების ვადა

14.1 ხელშეკრულება ძალაში შედის მისი ხელმოწერის დღიდან და მოქმედებს 2024 წლის 02 თებერვლის ჩათვლით, მხარეთა მიერ ვალდებულებების სრულ შესრულებამდე.

15. დასკვნითი დებულებები

15.1 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

მხარეთა რეკვიზიტები:

„შემსყიდველი“

„მიმწოდებელი“

სსიპ ზურაბ ჟვანიას სახელობის სახელმწიფო
ადმინისტრირების სკოლა
საიდენტიფიკაციო ნომერი 212852055
ქუთაისი, ნიკეას ქუჩა, 13.
ტელ. 431 23 26 00.
მიმღები: ხაზინის ერთიანი ანგარიში,
„სახელმწიფო ხაზინა“; ბანკის
ბანკის კოდი: TERESEGE22
ელ ფოსტა: zspsa@zspsa.ge

დირექტორი: ქეთევან ჯაყელი

შპს ეს დი სი ჯგუფი
საიდენტიფიკაციო კოდი: 405065646
მისამართი: თბილისი, ვაკის რაიონი, ოთარ
ლორთქიფანიძის ქუჩა, N 18
ტელეფონი: 599185453
მომსახურე ბანკი: სს თიბისი ბანკი
მომსახურე ბანკის კოდი: TBCBGE22
ანგარიშის ნომერი: GE49TB7524936020100001
ელ ფოსტა: info@sdcg.ge

დირექტორი: დავით გოჩიაშვილი

შესყიდვის ობიექტის დასახელება	მიწოდების ვადა	ღირებულება
პირველი ეტაპი: სერტიფიცირებისათვის მზადყოფნის შეფასება	2021 წლის 19 დეკემბრის ჩათვლით	4850
მეორე ეტაპი: სერტიფიცირება		4000
1-ლი საზედამხედველო აუდიტი	სერტიფიცირების თარიღიდან არაუგვიანეს 12 თვისა	3500
მე-2 საზედამხედველო აუდიტი	სერტიფიცირების თარიღიდან არაუგვიანეს 24 თვისა	3500

ჯამი: 15850

შენიშვნა: ტექნიკური დავალება და საკვალიფიკაციო მოთხოვნები მოცემულია სატენდერო დოკუმენტაციაში NAT210011337

ხელწერილი

ინტერესთა კონფლიქტის არ ქონის შესახებ

21 ივლისი 2021 წ.

წინამდებარე ხელშეკრულებით, წარმოვადგენ სსიპ ზურაბ ჟვანიას სახელობის სახელმწიფო ადმინისტრირების სკოლის 2021 წლის 21 ივლისს გაფორმებულ სახელმწიფო შესყიდვების შესახებ N53 ხელშეკრულების შესრულების კონტროლის, მიღება-ჩაბარებისა და ზედამხედველობის განმახორციელებელ პირს, ამ ხელწერით ვადასტურებთ, რომ შესყიდვის პროცედურებში, ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ამ პროცედურებში მონაწილეობით ინტერესთა კონფლიქტში არ ვიმყოფები მიმწოდებელთან.

სკოლის დირექტორი
ქეთევან ჯაყელი

ლოჯისტიკის სპეციალისტი

დავით ავალიანი

შესყიდვების სპეციალისტი
ირაკლი პაპავა

ხარისხის მართვის მენეჯერი
სალომე ყიფიანი

